

Siunnersuummut nassuiaatit

Nassuiaatit nalinginnaasut

1. Aallaqqaasiut

Inuussutissarsiummik ingerlataqarneq pillugu Inatsisartut inatsisaat 1. januar 2016-imi atuutilerpoq.

Inatsisartut 14. november 2016-imi Det Centrale Virksomhedsregisterimi (CVR-imi) nalunaarsorneqartarneq pillugu Inatsisartut inatsisaat akuersissutigaa. Inatsisartut inatsisaatigut tassuuna Inuussutissarsiummik Ingerlataqartunik Nalunaarsuiffik pillugu Inatsisartut inatsisaat atorunnaassaaq, aammalu Kalaallit Nunaanni suliffeqarfiit immikkoortoqarfiillu nalunaarutigisarnissaannut pisussaaffigisaq CVR-imut ikaarsaariartinneqarluni.

2. Siunnersuutip immikkoortui pingaarnerit

Siunnersuummiipput ilaatigut Det Centrale Virksomhedsregisterimi (CVR-imi) nalunaarsorneqartarneq pillugu Inatsisartut inatsisaata akuersissutigineranik kingunerisaq, kiisalu naqqiut, inuussutissarsiummik ingerlataqarneq pillugu Inatsisartut inatsisaata nalunaarutigineranut atatillugu danskisut aamma kalaallisut allanneqarsimaffianni naapertuuttoqanngitsoq paasineqarnera pissutigalugu.

Inatsisissatut siunnersuut inatsimmut atuuttumut assersuullugu	
<i>Oqaasertaliussaq atuuttoq</i>	<i>Inatsisissatut siunnersuut</i>
	<p style="text-align: center;">§ 1</p> <p>Inuussutissarsiummik ingerlataqarneq pillugu Inatsisartut inatsisaat nr. 29, 9. december 2015-imeersumi makkuninnga allanguuteqartoqassaaq:</p>
	<p>1. Inatsisartut inatsisaanni tamarmi "IIN normu" "CVR normu"-mut allanngortinneqassaaq.</p>
	<p>2. § 2, imm. 3, imatut oqaasertalissaaq: " Imm. 3. Nuisitsivimmi, saqqummersitsivimmi, timersortartut katerisimaarneranni</p>

	niuffaffimmilu tuniniaanermi aaqqissuisoq kingusinnerpaamik aaqqissuussinerup am-marnerani inuussutissarsiummik ingerlataqartut aqqi, najugai aamma IIN-imi normua allallugit allattuiffiliorsimassaaq. Allattuiffik aaqqissuussinerup matoreernerata kingorna ukiuni tallimani paarineqassaaq aammalu nakkutilliinermut oqartussaasunut piumasarineqartillugu tunniunneqassaaq. Peqataasoq IIN-imi normumik peqarnissamik pi-sussaaffeqanngippat taamaallaat aqqa najugaalu allanneqassapput.”
	3. § 7-imi <i>imm.</i> 2-p kingorna nutaatut inis-sissaaq: ” <i>Imm.</i> 3. Piffissami 1. januar 2018-imit 1. juli 2018-imut § 2, <i>imm.</i> 1-imi aamma 3-mik unioqqutitsinerit pineqaatissiissutinik nassataqarsinnaassanngillat.”
	§ 2 § 1, nr. 1 ulloq 1. januar 2018-imi atuutilerpoq. <i>Imm.</i> 2. § 1, nr. 2 ulloq 1. juli 2017-imi atuutilerpoq.

3. Pisortanut aningaasaqarnikkut allaffissornikkullu kingunerisinnaasat

Allanguutit aaqqissuussinertut ittuupput, taamaattumillu pisortanut siunnersuut kingunerisinnaasaqanngilaq.

4. Inuussutissarsiorfimmuut aningaasaqarnikkut allaffissornikkullu kingunerisinnaasat

Siunnersuut inuussutissarsiorfimmuut kingunerisinnaasaqanngilaq.

5. Avatangiisinut, pinngortitamut innuttaasullu peqqissusaannut kingunerisinnaasat

Siunnersuut avatangiisinut, pinngortitamut imaluunniit innuttaasut peqqissusaannut kingunerisinnaasaqanngilaq.

6. Innuttaasunut kingunerisinnaasat

Siunnersuut innuttaasunut kingunerisinnaasaqanngilaq.

7. Kingunerisinnaasat pingaarutillit allat

Siunnersuut allanik pingaarutilinnik kingunerisinnaasaqanngilaq.

8. Pisortani kattuffinnilu il.il. tusarniaaneq

Siunnersuut piffissami 19. december 2016-imit 23. januar 2017-imut tusarniaaffittut il-lua'tungerisani makkunani tusarniaassutaasimavoq:

Sulisitsisut (GE), NUSUKA, SIK, KANUKOKA, Kommuneqarfik Sermersooq, Qaasuitsup Kommunia, Qeqqata Kommunia, Kommune Kujalleq, kiisalu namminersorlutik oqartussani naalakkersuisoqarfiit tamarmik.

Siunnersuut aamma piffissami tassani namminersorlutik oqartussat tusarniaassutinut nittar-tagaaniitinneqarsimavoq.

Makkunanit tusarniaanermut akissutit tiguneqarput:

Qeqqata Kommunia, Aatsitassaqaqarnermut Naalakkersuisoqarfik, SIK, Sulisitsisut (GE), KANUKOKA, Kommune Kujalleq aamma Kommuneqarfik Sermersooq.

Tusarniaanermut akissutit tamarmik imarisaat tamakkerlugit Inatsisartuni suliarinnittutut ataatsimiititaliamut nassiunneqaqataapput.

Tulliani tusarniaanermut nalaani takkussimasutut tusarniaanermut akissutit allannguutissatullu siunnersuutit misissorneqarput. Pingaaruteqassutsimik nalilersuisoqarnera tunngavigalugu tusarniaanermut akissutit uingasunik nalunaarsukkat taamaallaat pingaarnersiorlugit saqqum-miunneqarnerat oqaatigineqassaaq.

Qeqqata Kommunia, Aatsitassaqaqarnermut Naalakkersuisoqarfik, SIK aamma GE siun-nersuummut oqaaseqaatissaqaqanngillat.

Siunnersuut pingaarnertut naqqiissuteqarnernut takussutaaginnartuusoq Kommuneqarfik Sermersuup (KS-ip) nalunaarpaa. Siunnersuummi nr. 2-mi "IIN" pinnagu "CVR"-imik allas-simasoqassasoq kommunip naatsorsuutigigaa KS-ip erseqqissarpaa.

Siunnersuummi nr. 2-mut oqaaseqaammut tunngatillugu "IIN" allassimasussaavoq, CVR-imut allannguuteqarneq sioqqullugu aalajangersakkap atuutlernissaa pissutaalluni. Taamaalil-luni "IIN" 1. januar 2018-imi taarserneqassaaq.

Siunnersuummi § 3-p pisariaqartinnissaa pisariaqarparsinngitsuusoq KANUKOKA-p aamma Kommune Kujalliup erseqqissaavigaa, CVR-imi suussutsimut normumit IIN nalunaarsugaa-nermut normu nammineersumik taarserneqartuunissaa Det Centrale Virksomhedsregisterimi nalunaarsorneqarnissaaq pillugu Inatsisartut inatsisaanni allassimammat.

1. januar 2018-imi CVR-imut nuunneqassasutut IIN-imi nalunaarsuutaareersut tunngaviussa-nerat eqqortuuvoq, taamaalillunilu aallaaviatigut suliffinnut pioreersunut suliaqarfigalugu

iliuuseqartoqassanngitsoq. Taamaattorli tamanna ilutigalugu aaqqissuussivimmi iluarsaassisoqassaaq, taamaalillutik nalunaarsukkat suliaqarfiusuinnaat nuunneqassallutik, aammalu nalunaarsugaanissamut pisussaaffik suliliffeqarfinni immikkoortortanilu nalunaarsortussaasuni inissisimajuassaaq. Paasissutissanik nuussinissamut taamatut sianiginnittoqarsima-soqaraluarpalluunniit ikaarsaariarfissap tulluartaunissaa Naalakkersuisut isumaqarfigaat.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Aalajangersagaq tassaavoq suliffeqarfiit pillugit qitiusumik nalunaarsuiffimmi Det Centrale Virksomhedsregisterimi nalunaarsorneqartarneq pillugu Inatsisartut inatsisaata akuersissutaa-nerata nassatarisaanik naqqiuteqarnerit.

Nr. 2-mut

§ 2, imm. 3 kukkussuteqarnikkut kalaallisoortaani ilanngunneqarsimanngilaq. Taamaalilluni kalaallisoortaa qallunaatoortaa imminnut naapertuutsinneqalerput.

Nr. 3-mut

IIN/CVR-normunik nalunaarsuinernut, kiisalu IIN/CVR-normunik allattuiffiliornernut tunngasuni ikaarsaariarfimmi qaammatini arfinilinni § 2, imm. 1-imik aamma imm. 3-mik unioqquitsinerit pineqaatissiissutinik nassataqarsinnaassannginnerat siunnersuutigineqarpoq. Det Centrale Virksomhedsregisterimi nalunaarsorneqarnissamut Kalaallit Nunaanni namminersorluni inuussutissarsiuteqartut nalunaarsorfianni nalunaarsugaanermi ikaarsaariarnermut atuutsilernissaanut piffissaq sivilsugaluortoq kikkut tamarmik 1. januar 2018-imi CVR-imut nalunaarsugaanissamik utaqqisitsissappata aqqissuussivimmi artukkertoqarsinnaanera tamatumunnga patsisaavoq.

§ 2-mut

Imm. 1-imut

Nr. 1-ip ulloq 1. januar 2018-imi atuutsilernissaa siunnersuutigineqarpoq, taamaalilluni Det Centrale Virksomhedsregisterimi nalunaarsorneqartarneq pillugu Inatsisartut inatsisaata atuutilerfia, aammalu inuussutissarsiummik ingerlataqarneq pillugu Inatsisartut inatsisaanni IIN-normu'mik CVR-normu'mut allannguuteqarnerup atuutilerfia ulloq taanna pisinneqassalutik.

Imm. 2-mut

Aaqqissuussinikkut allannguutip ulloq 1. juli 2017-imi atuutilernissaa siunnersuutigineqarpoq.